



UNIVERSITÄTS-
BIBLIOTHEK
PADERBORN

Divus Stanislaus Kostka S.I.

Callenberg, Caspar

Neuhusii, 1716

Iconismus 39.

[urn:nbn:de:hbz:466:1-69536](#)

Patergon morale ad Virilem ætatem.
 Præfert horrentem setis, velut histrice, vestem,
 Uncaq; cum tortis cingula Kostka flagris :
 His armis Orcum juvenis, Cœlumq; subegit,
 Et Lauros multo victor ab hoste tulit.
 Hæc licet arma sciam *juvenilibus* apta lacertis;
 Sunt tamen & magnis, nec minùs apta, viris.
 Ite Viri, & vestros hæc arma decenter in usus
 Vertite: quid pigras nectitis usque moras ?
 Credideram teneros nimio plus esse puellos:
 Ingenium video *mollissime* esse Viris.

ICONISMUS 39.

Stanislaus Mense decimo tyrocinii in fatali le-
 ëto positus, mortemq; ardentissimè suspirans. Epi-
 graphe: OPTATA VENIAT, sICVt MERCENA-
 RII, DIES, Iobi 14.6.

Stanislaus terrena nauceans.
 Ite procul vani bullata crepundia mundi,
 Quæ velut unda fluunt, quæ velut aura volant.
 Ite procul vani bullata crepundia mundi :
 Non me bulla juvat; Sidera bella juvant.

2.

Ite caducarum simulacra fugaciarum :
 In Vitium præceps vita, solumq; vale.
 Vincula Libertas, Constantia lapsus in orbe est;
 Perditur in Vita Vita, Vigore Vigor.

Libera

III

*Libera Libertas, Constantia constat in astris,
Perditur & Mors in Morte, Dolore Dolor.
Ite caducarum simulacra fugacia rerum :
In Vtium Praecep Vita, solumq; vale.
Lux generis tenebrosa tibi est, subiecta Potestas,
Infamis vitiis Fama, in honorus Honor.
Spes ex spes & Opes in opes, Concordia discors,
Ægra salus, Methodus devia, fessa Quies.
Dedecorisq; decor scopulus, Veneri apta Venustas,
Bellica Pax, Risus tristis, amarus Amor.
Quis mihi, quis volucres cupido nunc assuat alas
Ut ferar in Superæ templâ beata domûs?
Hic decor est fugisse decus, despœcta Venustas,
Gratia : tristitia est Plausus, Amaror Amor.
Hic obscuranitei Virtus, Demissio regnat,
Et contemptus Honos, spretaq; Fama placet.
Spes nunquam exspirat ; dives splendescit Egestas,
Hic æterna manet parta labore Quies.
Ite caducarum simulacra fugacia rerum :
Ter Cœlum salve, Vita, solumq; vale.*

3.

*Fine coronari dicuntur cuncta: Coronam
Hanc solam vita det Deus, opto, meæ.
Dulce sopor fessis: sopor est mera mortis imago:
Non sit res? cum sit dulcis imago rei?
In Votis sunt fata; libet Libitina: volenti
Votorum veniat summa, suprema dies!*

Uror

Uror amore tui Cœlestis Patria : mēq;
Hoc magis hic urit, quō magis ignis abest!

4.

Vita mare est, res plena metu, res plena tumultu:
Ad portum, cymbam quæ feret hora meam?
Jam satis infidum dubii sulcavimus æquor :
Laurigerâ littus quando tenebo rate?
Mens mihi navis erit, spes anchora, vota rudentes,
Vela preces, gemitus flamina, Vèctor Amor.
Vita mare est, res plena metu, res plena tumultu:
Ad portum, cymbam quæ feret hora meam?
Quæ feret hora meū (fuerit quotacunque diei)
Dicetur Votis hora secunda meis.

5.

Tetricus est animæ, corpus miserabile, carcer:
Ecquando fracto carcere liberero?
Nobilis ut dicar; servum genuere pærentes:
Nobilis à fatis, & Baro Liber, ero.

6.

Æthra! tibi nostris suspiria concita flammis,
Munus ab Ignivomo pectore mittit Amor.
Et lacrymas missurus erat, quas fudit; at illæ
In terram proprio pondere sponte fluunt.
Jure petit pars una solum, pars altera Cœlum;
Cognitus ut nusquam non, meus esset amor.

ICONISMUS 40.

Stanislaus de transacta piè vita, & instantef-